

# ଫିଲିପୀନ୍ସମାନଙ୍କ ନିକଟକୁ ପାଉଲଙ୍କ ପତ୍ର ଫିଲିପିୟ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ଚିଟାଉ ପାରିଟାଏ

ୟାଶୁ ଶ୍ରୀଷ୍ଟୁଆଃ ଜାନାମ୍‌ରେୟାଃ ୬୧ ବାରାଷ୍ଟ ତାୟମ୍‌ତେ, ପାଉଲୁସ୍ ଫିଲିପି କାଲିସିୟାରେନ୍ ବିଶ୍ୱାସୀ ହାଗା ମିଶିକତାଃତେ ନେ ଚିଟାଉ ଅଲ୍ଲାକାଦ୍ ତାଇକେନାଏ । ହବାସାକାଅଆଃ ପାଉଲୁସ୍ ରୋମ୍‌ରେ ଜେହେଲ୍ଲାକାନ୍ ତାଇକେନ୍ ଇମ୍‌ତା ନେ ଚିଟାଉ ଅଲ୍ଲାକାଦ୍ ତାଇକେନାଏ ୧:୧୩ ।

ଫିଲିପି ସାହାରରେ ବାଇୟାକାନ୍ କାଲିସିୟାକତାଃତେ ନେ ଚିଟାଉ ଅଲ୍ଲାକାନ୍ ତାଇକେନା । ଆରୁ ପ୍ରେରିତ୍ ପୁଅକରେ ହଗି ଫିଲିପି ଚିଟାଉ ବିଷାଏରେ ଚିମିନ୍ କାଜିକ ସାରିନାମ୍ ତାନାବୁ । ଫିଲିପି ମାକିଦନିଆ ପାର୍ଗାନ୍‌ରେୟାଃ ମାରାଜ୍ ସାହାର ତାଇକେନା । ନେଆଁ ମାକିଦନିଆରେ ହବାକାନ୍ ପାହିଲା କାଲିସିୟା ତାଇକେନା । ପାଉଲୁସ୍ ଆତଃ ସିଲାସ୍ ବାରାନ୍‌କିନ୍ ମେସାକେଦ୍‌ତେ ନେ କାଲିସିୟା ଏଟେଦ୍‌କାଦ୍ ତାଇକେନାକିନ୍ । ଆତଃ ଇନ୍‌କିନ୍ ଏନ୍ତାଃରେ ତାଇକେନ୍ ଇମ୍‌ତା ମିଦ୍ ନିଦା ନାଜ୍ ଜେହେଲ୍‌ରେ ହାଣ୍ଡେଦାକାନ୍ ତାଇକେନାକିନ୍ ପ୍ରେରିତ୍ ୧୬ ।

ହବାସାକାଅଆଃ ପାଉଲୁସ୍‌ଆଃ ନେ ଚିଟାଉ ଅନଲ୍‌ରେ ପୁରାଃଗି ଉଦେଶ୍ ତାଇନ୍‌ସାକାଅଃଆ । କାଲିସିୟାରେନ୍ ହଡ଼କ ପାଉଲୁସ୍ ଜେହେଲ୍ଲାକାନାଏ ମେନ୍ତେ ଆୟୁମ୍‌କେଦ୍‌ଚି ଦାନ୍ ହାରମ୍‌କେଦ୍‌ତେ, ଆୟାଃତାଃ ଦାନ୍ କୁଲ୍ଲାକାଦ୍ ନାଜ୍ କାଲିସିୟାକେ ଧାନ୍ୟାବାଦ୍ ଏମ୍‌ରାଃ ଉଦେଶ୍‌ରେ ନେ ଚିଟାଉ ଅଲ୍ଲାକାନା ୪:୧୦-୧୯ । ଇନିଃ ଆୟାଃ ଜେହେଲ୍ଲାକାନ୍ ଇମ୍‌ତାରେୟାଃ କାଜିକ ଉଦ୍‌ବୁକେଦ୍‌ଲଃ କାଲିସିୟାରେନ୍ ତୀମଥ୍ ଆତଃ ଏପାପ୍ଟାଦିତ୍‌କେ କାମି ନାଜ୍ ସାଲ୍ଲାକାଦ୍‌କିନାଏ, ବିଶ୍ୱାସୀକ ଇନ୍‌କିନ୍‌କେ ଜେ'ଲେକା

ମାଇନ୍କେଦ୍‌ତେ ଜହାରକିନାକ ଆତଃ ଆକିନାଃ ଆଗୁଆଇରେ ମାଇନ୍କିନାକ ୨:୧୯-୩୦ ।

**ପୁଅ ଭିତରରେ ଡାଇକାନ୍ କାଜି**

- ୧. ପାଉଲୁସ୍ ଫିଲିପି କାଲିସିୟାକେ ଜହାର କାଜିତାନାଏ । ୧:୧-୨
- ୨. ପାଉଲୁସ୍‌ଆଃ ଦୁକୁ ନେତା ଆତଃ ଆୟାଃ ଉଡ଼ୁକ । ୧:୩-୨:୩୦
- ୩. ଖ୍ରୀଷ୍ଟ ଲେକା ଜୀଞ୍ଜାନ୍ ବିତାଅ ନାଗେନ୍ତେ ବିଶ୍ୱାସୀ ହାଗା ମିଶିକକେ ପାଉଲୁସ୍‌ଆଃ ଆନ୍‌ରୁ । ୩:୧-୪:୯
- ୪. ପାଉଲୁସ୍ ଫିଲିପି କାଲିସିୟାକେ ଜହାର ଆତଃ ଧାନ୍ୟାବାଦ୍ ଏମ୍‌ତାନାଏ । ୪:୧୦-୨୩

**ଜହାର ଆତଃ ପାଉଲୁସ୍‌ଆଃ ବିନ୍ତ୍ରି**

<sup>୧</sup> \*ଫିଲିପି ସାହାରରେନ୍ ଯୀଶୁ ଖ୍ରୀଷ୍ଟଲଃ ମେସାକାନ୍ ପାରମେଶ୍ୱାରଆଃ ହଡକକେ, ଆତଃ କାଲିସିୟାରେନ୍ ଆଗୁଆଇକକେ, ଆତଃ ଡିକାନ୍‌କକେ ଯୀଶୁ ଖ୍ରୀଷ୍ଟଆଃ ଦାସି ପାଉଲୁସ୍ ଆତଃ ତୀମଥୁଆଃ ଚିଗାଉ, <sup>୨</sup> ଆବୁଆଃ ଆପୁ ପାରମେଶ୍ୱାର୍ ଆତଃ ପ୍ରାଭୁ ଯୀଶୁ ଖ୍ରୀଷ୍ଟ ଆପେକେ ସାୟାଦ୍ ଆତଃ ଜୀଉସୁକୁ ଏମାପେକାଏ ।

<sup>୩</sup> ଆଇଙ୍ଗ୍ ଆପେକେ ଚିମିନ୍‌ସାଇଙ୍ଗ୍ ପାହାମପେତାନା, ଇମିନ୍‌ସା ଆଇଁୟାଃ ପାରମେଶ୍ୱାରକେଇଙ୍ଗ୍ ଜହାରିତାନା । <sup>୪</sup> ଆତଃ ସବେନ୍ ଦିପିଲିରେ ଆଇଙ୍ଗ୍ ଆପେ ସବେନ୍‌କ ନାଗେନ୍ତେ ସୁକୁତେଇଙ୍ଗ୍ ବିନ୍ତ୍ରିତାନା, <sup>୫</sup> ଚିଆଃଚି ଆପେ ଆପେୟାଃ ବିଶ୍ୱାସରେୟାଃ ଏନେଟେଦ୍ ହୁଲାଙ୍ଗ୍‌ତାଏତେ ନାହାଁଃ ଜାକେଦ୍ ସୁକୁକାଜିରେୟାଃ କାମିରେ ଆଇଙ୍ଗ୍‌କେପେ ଦେଙ୍ଗାକାଦିୟାଁ । <sup>୬</sup> ଆତଃ ଆଇଙ୍ଗ୍ ପୁରାଃ ପକ୍ତାକେଦ୍‌ତେ ବିଶ୍ୱାସ୍ ତାନାଇଙ୍ଗ୍, ଅକନ୍ ପାରମେଶ୍ୱାର୍ ଆପେରେ ବୁଗିନ୍ କାମି କାମି ଏଟେଦ୍‌କାଦାଏ, ଯୀଶୁ ଖ୍ରୀଷ୍ଟରାଃ ହିଜୁଃଦିପିଲି ହୁଲାଙ୍ଗ୍‌ରେ ନେଆଁ ଚାବାଃଅ ଜାକେଦ୍ ଇନିଃ ଏନାକେ ପୁରାଏୟା । <sup>୭</sup> ଆପେ ସବେନ୍‌କ ସବେନ୍ ଇମ୍‌ତା ଆଇଁୟାଃ ମନ୍‌ସୁରୁଦ୍‌ରେ ମେନାପେୟା, ଏନା ନାଗେନ୍ତେ ଆପେୟାଃ ବିଷାଏରେ ନେ'ଲୈକାଇଙ୍ଗ୍ ଉଡ଼ୁକେଦା । ଆଇଙ୍ଗ୍ ତନଲ୍‌ହେତେ ରାଡାକାନ୍ ଦିପିଲିରେ ଆତଃ ନାହାଁଃ ନେ ଜେହେଲାକାନ୍ ଦିପିଲିରେ, ନେ

\* ୧:୧ ୧:୧ ପ୍ରେରିଡ୍ ୧୭:୧୭.

ବାରାନାଠରେ ସୁକ୍ଷ୍ମକାଜିରେୟାଃ ସାନାର୍ଡିରେ ତିଜ୍ଞକେଟେଦ୍ ଆତଃ ଏଟାଠକକେ ଉଦୁବ୍ରେୟାଃ ଅକ ସୁଯୋଗ୍ ପାର୍ମେଶ୍ଵାର୍ ଏମାକାଦିୟାଏ, ଏନାରେ ଆପେ ସବେନ୍ଦକ ହିସାପେ ନାମାକାଦା । ୮ ଚିଆଠଚି ଯୀଶୁ ଖ୍ରୀଷ୍ଟ୍ ଆଠ ଇକିରାନ୍ ଦୁଲ୍ଲାଡ୍ ହରାତେ ଆଇଙ୍ଗ୍ ଆପେ ସବେନ୍ଦକ ନାଗେନ୍ତେ ଚିଲ୍ଲକାଇଙ୍ଗ୍ ତେତାଙ୍ଗ୍ ତାନା, ଏନ୍ ବିଷାଏରେ ପାର୍ମେଶ୍ଵାର୍ ଆଇୟାଃ ଗାଝା ତାନିଃ ।

୯ ଆଇଙ୍ଗ୍ ବିକ୍ରିତାନାଇଙ୍ଗ୍, ଆପେୟାଃ ଦୁଲ୍ଲାଡ୍ ସାର୍ଡି ସେଣ୍ଟାଲ୍ ଆତଃ ଆର୍କାର୍ଡରୁମଠଃ ମିସାତେ ପୁରାଠଗି ହାରାଇଦିୟଠକା । ୧୦ ଏନାତେ ଆପେ ଅକ୍ନାଠ ବୁଗିନାଠ ତାନାଠ ଏନାପେ ଆର୍କାର୍ଡରୁମ୍ ଦାଡିୟା । ଏନ୍ତେ ଆପେ ଖ୍ରୀଷ୍ଟ୍ ଆଠ ହିନିଜୁଠ ହୁଲ୍ଲାଙ୍ଗ୍ରେ ସବେନ୍ଦ ଲେକାନ୍ ସଡ଼ରାଏତେ ଫାର୍ଡି ଆତଃ କା ଚିଟାକାନ୍ ତାଇନାଠପେ । ୧୧ ପାର୍ମେଶ୍ଵାର୍ ଆଠ ମାନାରାଙ୍ଗ୍ ଆତଃ ସାହାରାଅ ନାଗେନ୍ତେ ଆପେୟାଃ ଜୀଦାନ୍ ଯୀଶୁ ଖ୍ରୀଷ୍ଟ୍ ଆଠ ଏମାକାନ୍ ସବେନ୍ଦ ବୁଗିନ୍ ଗୁନ୍ତେ ପେରେଜଠଆ ।

**ବାସ୍ତାଅରେୟାଃ ମୁଣ୍ଡିଦ ଖ୍ରୀଷ୍ଟ୍**

୧୨ ହେ ଦୁଲ୍ଲାଡ୍ ହାଗା ମିଶିକ, ଆଇଙ୍ଗ୍ ନେଆଁ ସାରିପେ ମେନ୍ତେଇଙ୍ଗ୍ ସାନାଙ୍ଗ୍ତାନା, ଅକନ୍ କାଜିକ ଆଇୟାଠରେ ହବାକାନା, ଏନା ସୁକ୍ଷ୍ମକାଜିକେ ଆୟାର୍ଡେ ଇଦି ନାଗେନ୍ତେ ଦେଙ୍ଗାକାଦା । ୧୩ ଏନାତେ, ମାହାଲ୍ଲକେ ହରତାନ୍ ନେତାଠରେନ୍ ସବେନ୍ଦକ ଆତଃ ଏଟାଠ ସବେନ୍ଦକ ସାରିୟାଠକ ଯେ, ଆଇଙ୍ଗ୍ ଖ୍ରୀଷ୍ଟ୍ ଆଠ ଦାସି ହବାକାନ୍ ହରାତେ ନାହାଁଠ ଜେହେଲ୍ଲରାଠ ସିକିଡିତେଇଙ୍ଗ୍ ତଲ୍ଲକାନା । ୧୪ ମେନ୍ଦ ଦ ଆଇଙ୍ଗ୍ ଜେହେଲ୍ଲରାଠ ସିକିଡିତେଇଙ୍ଗ୍ ତଲ୍ଲକାନ୍ ହରାତେ ପୁରାଠ ବିଶ୍ଵାସୀ ହାଗା ମିଶିକ ଆଠ ବିଶ୍ଵାସ୍ ପ୍ରାଭୁରେ ପୁରାଠଗି ହବାକାନା, ଆତଃ ନେ ହରାତେ ବେଗାର୍ ବରତାନ୍ଲଠ ପାର୍ମେଶ୍ଵାର୍ ଆଠ ବାଚାନ୍ ଉଦୁବ୍ ନାଗେନ୍ତେ ଇନ୍କୁଆଠ ଜୀଉରେ କେଟେଦ୍ ହବାକାନା ।

୧୫ ଇନ୍କୁଏତେ ଚିମିନ୍ ହଡ଼କ ଖ୍ରୀଷ୍ଟ୍ ଆଠ ବିଷାଏରେ ହିସ୍ତାତାନ୍ଲଠ ଆତଃ ଏପେରାଙ୍ଗ୍ତାନ୍ଲଠ ବାଚାନ୍ ହାଟିଙ୍ଗ୍ତାନାକ, ମେନ୍ଦ ଚିମିନ୍ ହଡ଼କ ଖ୍ରୀଷ୍ଟ୍ ବିଷାଏରେ ଫାର୍ଡି ମନ୍ତେ

---

☆ ୧:୧୩ ୧:୧୩ ପ୍ରେରିଡ୍ ୨୮:୩୦.

କାମିତାନାକ । ୧୭ ଇନ୍‌କୁ ଦୁଲ୍ଲାଭତାନ୍ ହରାତେ ବାଚାନ୍ ଉଦୁବ୍‌ତାନାକ । ପାର୍‌ମେଶ୍ୱାର୍ ଆଇଙ୍‌କେ ସୁକୁକାଜି ବାସ୍ତାଅରାଃ କାମି ଏମାକାଦିୟାଁ, ଏନା ସାରିତାନାକ । ୧୭ ଏଟାଃକ ଫାର୍‌ତିମନ୍‌ତେ ଶ୍ରୀଷ୍ଟିଆଃ ବାଚାନ୍ କାକ ଉଦୁବ୍, ମେନ୍‌ଦ ଆପନାଃ ସାନାଙ୍‌କେ ପୁରାଏ ନାଗେନ୍ତେକ କାମିକେଦା । ଆଇଙ୍‌ ଜେହେଲ୍‌ରାଃ ସିକିଡିତେ ତଲ୍ଲକାନ୍ ତାଇକେନ୍ ଇମ୍‌ତା ଆଇଁୟାଃ ମନ୍‌ରେ ପୁରାଃ ଦୁକୁ ଏମାଇଙ୍‌ ନାଗେନ୍ତେ ଇନ୍‌କୁ ଏନ୍‌ଲେକା କାମି ରିକାତାନାକ ।

୧୮ ଏନାରେ ଜେତାନ୍ କାଜି ବାନଃଆ । ସାର୍‌ତି ଉଦେଶ୍‌ରେ ହବାଃଆ ଚାଏ ଏଡ୍‌କାନ୍ ଉଦେଶ୍‌ରେ ହବାଃଆ, ଜେଡ୍‌ନାଃତେ ହବାଃଆ, ଶ୍ରୀଷ୍ଟିଆଃ ବିଷାଏରେୟାଃ କାଜି ଉଦୁବଃରେ, ଆଇଙ୍‌ ରାସ୍‌କାଃଆଇଙ୍‌ ଆତଃ ରାସ୍‌କା କାତେୟଃଇଙ୍‌, ୧୯ ଚିଆଃଚି ଆଇଙ୍‌ ସାରିତାନାଇଙ୍‌ ଆପେୟାଃ ବିନ୍ତି ଆତଃ ଯାଶୁ ଶ୍ରୀଷ୍ଟିଆଃ ଆମ୍‌ରେୟାଃ ଦେଙ୍‌ ହରାତେ ଆଇଙ୍‌ ତନଲ୍‌ହେତେ ରାଡ୍‌କାନାଇଙ୍‌ । ୨୦ ଜୀଦାନ୍‌ରେ ଚାଏ ଗନଏଃରେ ଆଇଙ୍‌ ଶ୍ରୀଷ୍ଟିଆଃ କାମି ଚିଉଲ୍‌ଆ କାଇଙ୍‌ ବାରିୟା । ମେନ୍‌ଦ ସବେନ୍ ଇମ୍‌ତା ବିଶେଷକେଦ୍‌ତେ ନେ ଏଡ୍‌କାନ୍ ହୁଲ୍‌କାଙ୍‌କରେ ଜୀଉ କେଟେଦ୍‌ତାନ୍‌ଲଃ ପୁରାଗି ଆଇଙ୍‌ ଆଇଁୟାଃ ହଡ୍‌ମରେ ଶ୍ରୀଷ୍ଟିକେ ମାଇନାନ୍ ରିକାୟାଇଙ୍‌, ଏନାଗି ଆଇଁୟାଃ ପୁରାଃ ଆସ୍ତା ଆତଃ ଭାର୍‌ସା ତାନାଃ । ୨୧ ଆଇଁୟାଃ ଜୀନିଦ୍‌ରେ ଶ୍ରୀଷ୍ଟିଗି ସବେନାଃ ତାନିଃ । ଏନାତେ ଆଇଁୟାଃ ନାଙ୍‌ ଗନଏଃ ପୁରାଃଗି ବୁଗିନାଃ ହବାଃଆ । ୨୨ ମେନ୍‌ଦ ଆଇଙ୍‌ ହାସା ହଡ୍‌ମରେ ଜୀନିଦ୍ ତାଇକେଦ୍‌ତେ ପୁରାଃଗି ଜ'ନାମଃ ଲେକାଇଙ୍‌ କାମି ଦାଡ୍‌ତାନ୍‌ରେଦ୍, ଜୀଦାନ୍ ଚାଏ ଗନଏଃ ଅକ୍‌ନାଃକେଇଙ୍‌ ସାଲାଏୟା ଏନା ଆଇଙ୍‌ କାଇଙ୍‌ ସାରିଦାଡ୍‌ତାନା । ୨୩ ନେ ବାରାନ୍ କାଜି ଆଇଙ୍‌କେ ବାରାନ୍‌ସାଃତେ ତାହୁଜିଇଙ୍‌ତାନା । ନେ ଜୀଦାନ୍ ବାରିକେଦ୍‌ତେ ଶ୍ରୀଷ୍ଟିଲଃ ତାଇନଃ ନାଗେନ୍ତେ ଆଇଁୟାଃ ପୁରାଃଗି ସାନାଙ୍‌ ଆତଃ ପୁରାଃଗି ବୁଗିନାଃ ତାନାଃ । ୨୪ ମେନ୍‌ଦ ଆପେ ନାଗେନ୍ତେ ହାସା ହଡ୍‌ମରେ ଜୀନିଦ୍ ତାଇନଃ ଆଇଙ୍‌କେ ପୁରାଃଗି ଲାଗାଡିଙ୍‌ୟାଃ । ୨୫ ନେଆଁ ଆଇଙ୍‌ ସାର୍‌ତିଗିଙ୍‌ ସାରିତାନା, ଆଇଙ୍‌ ଆପେ ସବେନ୍‌କଲଃ ତାଇନାଇଙ୍‌, ଆତଃ ଆପେକେ ବିଶ୍ୱାସ୍‌ରେଇଙ୍‌ ହାରାଇଦିପେୟା ଆତଃ ଜୀଉରେ ରାସ୍‌କା ନାମେ ନାଗେନ୍ତେଇଙ୍‌ ଦେଙ୍‌ପେୟା । ୨୬ ତାବ୍‌ଦ୍, ଆଇଙ୍‌ ଆପେଲଃ

ଆଡ଼ଃମିସା ତାଇନ୍ରେ, ଆପେ ଜୀଦାନ୍ରେ ଖ୍ରୀଷ୍ଟଲଃ ମେନେସାରେ ତାଇନ୍ ହରାତେ ଆଇଁୟାଃ ନାଙ୍ଗ୍ ପୁରାଃଗି ଆପାନ୍କେ ମାରାଙ୍ଗ୍ ମେନ୍ତେ କାଜିନ୍ ଦାଡ଼ିୟାଃପେ ।

୨୭ ଆଇଙ୍ଗ୍ ଆପେକେ ନେନେଲ୍ ନାଗେନ୍ତେ ସେନ୍ ଦାଡ଼ି ଚାଏ କା ଦାଡ଼ି, ନାହାଁଃ କାଜି ହବାଅଃତାନା, ଆପେ ଖ୍ରୀଷ୍ଟଆଃ ସୁକୁକାଜିରେୟାଃ ଲାଗାତିଙ୍ଗ୍ ଲେକାଗି ଜୀଦାନ୍ ବିତାଏପେ, ଜେ'ଲେକାଗି ଆଇଙ୍ଗ୍ ଆୟୁମେୟାଈଙ୍ଗ୍ ଯେ ଆପେ ମିଆଁଦ୍ ଆମ୍ବାରେ ତିଙ୍ଗ୍ କେଟେଦକାନାପେ ଆଡ଼ଃ ମିଆଁଦଗି ଭାରସାଲଃ ଆପେ ସୁକୁକାଜିରେୟାଃ ବିଶ୍ୱାସ୍ ନାଗେନ୍ତେ ମିସାତେ ଲାଡ଼ାଇତାନାପେ । ୨୮ ଆପେୟାଃ ବାଇରିକକେ ଆଲପେ ବରକଆ, ସବେନ୍ ଇମ୍ବତା ଜୀଉ କେଟେଦକେଦତେ ତାଇନ୍ପେ । ଏନାରେ, ଇନ୍କୁ ସାରି ଦାଡ଼ିୟାକ ଯେ, ଇନ୍କୁଆଃ ହାରାଅ ସାର୍ତି ତାନାଃ ଆଡ଼ଃ ଆପେ ଜିତାଅଃଝାପେ, ଚିଆଃଚି ପାରମେଶ୍ୱାର୍ ଆପେକେ ଜିନିତାଅ ଏମାପେୟାଏ । ୨୯ ଚିଆଃଚି ଖ୍ରୀଷ୍ଟତାଃରେ ବିଶ୍ୱାସକେଦ୍ ହରାତେ ଏସକାର୍ କାଗି, ମେନ୍ଦ ଆୟାଃ ନାଗେନ୍ତେ ଦୁକୁ ସାହାତିଙ୍ଗ୍କେଦ୍ ହରାତେ ଆପେକେ ଖ୍ରୀଷ୍ଟକେ ସେଝା ନାଗେନ୍ତେ ସୁଯୋଗ୍ ଏମାକାନା । ୩୦ ✠ନାହାଁଃ ନେ ଲାଡ଼ାଇରେ ଆପେ ଆଇଁୟାଈଲଃ ମେସା ଦାଡ଼ିୟାଆପେ । ସିଦା ଦିପିଲିରେ ଆପେ ଆଇଙ୍ଗ୍କେ ଜେ'ଲେକା ଲାଡ଼ାଇତାନ୍ ନେଲାଇଦିଙ୍ଗ୍ ତାଇକେନାପେ, ନାହାଁଃ ଜାକେଦ୍ ଆଇଙ୍ଗ୍ ଏନ୍ ଲାଡ଼ାଇରେ ମେନାଇୟାଁ ମେନ୍ତେ ଆପେ ଆୟୁମ୍ବାଦାପେ ।

## ୨

### ଖ୍ରୀଷ୍ଟଆଃ ଲେବେୟେନ୍ ଆଡ଼ଃ ମାରାଙ୍ଗ୍ୟେନ୍

୧ ଆପେ ଖ୍ରୀଷ୍ଟଆଃ ମେନେସା ହରାତେ ଆପେୟାଈ ଜୀଦାନ୍ରେ କେଟେଦକାନାପେ, ଆଡ଼ଃ ଆୟାଈ ଦୁଲାଡ୍ ଆପେକେ ଜୀଉରାଡ଼େଃ ଏମାପେତାନାଏ । ଆପେ ପାବିତାର୍ ଆମ୍ବାଲଈ ମେନେସାରେ ମେନାପେୟା ଆଡ଼ଃ ଆପେୟାଈ ମିହୁଡ୍ ଆଡ଼ଃମିହୁଡ୍ଲଈ ଲିନିବୁଇ ଆଡ଼ଃ ଦାୟା ମେନାଈ । ୨ ଏନାତେ ଆଇଙ୍ଗ୍ ଆପେକେ ବିନ୍ତିପେ ତାନାଇଙ୍ଗ୍, ମିଦ୍ ଉଡ଼ଃରେ, ମିଦ୍ ଦୁଲାଡ୍ରେ, ମିଦ୍ ଜୀଉରେ

✠ ୧:୩୦ ୧:୩୦ ପ୍ରେରିଡ୍ ୧୭:୧୯-୪୦.

ଆଡ଼ଃ ମନ୍ଦିରେ ତାଙ୍କନକେଦ୍ଦେ ଆପେ ଆଇଙ୍ଗକେ ପୁରାଃତେ ସୁକୁଇଙ୍ଗପେ । <sup>୩</sup> ଆପ୍ନାଃ ସାନାଙ୍ଗ୍ ପୁରାଃତେ ନାଗେନ୍ତେ ଚାଏ ମାରାଙ୍ଗ୍‌ୟେନ୍ ନାଗେନ୍ତେ ଜେତାନ୍ କାମି ଆଲପେ କାମିୟା । ମେନ୍ଦ ଏଟାଃକକେ ଆପାନ୍‌ତାଃଏତେ ମାରାଙ୍ଗ୍ ନେଲକେଦ୍ଦେ, ମିହୁଡ୍, ଆଡ଼ଃମିହୁଡ୍‌ଲଃ ସବେନ୍ ଇମ୍‌ତା ଲେବେଃ ମନ୍ଦିରେ ତାଙ୍କନପେ । <sup>୪</sup> ଆଡ଼ଃ ମିହୁଡ୍ ହଡ୍ ଆପ୍ନାଃ ନାଗେନ୍ତେ ଏସ୍‌କାର୍ କା ଉଡ଼୍‌କେଦ୍ଦେ ଏଟାଃକଆଃ ନାଗେନ୍ତେୟ ଉଡ଼୍‌କେକାଏ । <sup>୫</sup> ଯୀଶୁ ଖ୍ରୀଷ୍ଟ୍ ଆଃ ମନ୍ଦି ଉଡ଼୍ ଲେକାଗି ଆପେୟାଃ ମନ୍ଦି ଉଡ଼୍‌କ ହବାଅଃକା । <sup>୬</sup> ଇନିଃ ପାର୍‌ମେଶ୍ୱାର୍ ତାଙ୍କନରେୟ, ପାର୍‌ମେଶ୍ୱାର୍‌ଲଃ ମିଦ୍ ଜକାଗି ତାଙ୍କନଃ ନାଙ୍ଗ୍ କାଏ ମନେକେଦା । <sup>୭</sup> ମେନ୍ଦ ଇନିଃ ଆପ୍ନାଃ ଇଛାସାନାଙ୍ଗ୍‌ତେ ସବେନାଃ ବାଗିକେଦାଏ, ଆଡ଼ଃ ଦାସି ଲେକାଏ ବାଇୟାନା ଏନ୍ତେ ମାନଂ ରୁପ୍‌ରେ ଜାନାମୟାନା । <sup>୮</sup> ଇନିଃ ଆଇଃକ୍‌ଗି ଲେବେଃ ମନ୍ଦିତେ ହବାୟାନଲଃ ଆଡ଼ଃ ସବେନ୍ ଗନଏଃରେୟାଃ ହରାରେ ଆୟାଃ କୁଶ୍‌ରାଃ ଗନଏଃ ଜାକେଦ୍ କାଜି ମାନାତିୟେନ୍ ଲେକାଏ ହବାୟାନା । <sup>୯</sup> ଏନାମେନ୍ତେ ପାର୍‌ମେଶ୍ୱାର୍ ଇନିଃକେ ସବେନାଃଏତେ ଚେତାନ୍ ଠାୟାଦ୍‌ତେ ଉଠାଅକିୟା, ଆଡ଼ଃ ଏଟାଃ ସବେନ୍ ନୁଡୁମ୍‌ଏତେ ଆୟାଃ ନୁଡୁମ୍ ସବେନାଃଏତେ ଚେତାନ୍‌ରେ ଏମ୍‌କେଦା । <sup>୧୦</sup> ଏନାତେ ଯୀଶୁଆଃ ନୁଡୁମ୍‌ରେୟାଃ ମାଲାନନ୍ ନାଗେନ୍ତେ ସିମା, ଅତେ, ଆଡ଼ଃ ଅତେଦିଶ୍ୱମ୍‌ରେ ଲାତାର୍‌ରେ ତାଙ୍କନତାନ୍ ସବେନକ ଆୟାଃ ଆୟାର୍‌ରେ ଇକ୍‌ଡ୍‌ମୁୟାନ୍ତେ ଉୟୁଗଃଆକ, <sup>୧୧</sup> ଆଡ଼ଃ ସବେନ୍ ହଡ୍‌କ ଯୀଶୁ ଖ୍ରୀଷ୍ଟି ପ୍ରାଭୁ ତାନିଃ ମେନ୍ତେ ଉଦୁବ୍‌ତାନ୍‌ଲଃ ଆବା ପାର୍‌ମେଶ୍ୱାର୍‌ଆଃ ମାନାରାଙ୍ଗ୍ ରିକାୟାକ ।

### ଅତେଦିଶ୍ୱମ୍‌ରେ ମାସ୍‌ଲ ଲେକା ଜୁଲଃପେ

<sup>୧୨</sup> ତାବ୍‌ଦ ହେ ଦୁଲାଡ୍ ହାଗା ମିଗିକ, ଆଇଙ୍ଗ୍ ଆପେଲଃ ତାଙ୍କନତାନ୍ ଦିପିଲିରେ ଆପେ ଜେ'ଲେକା ସବେନ୍ ଇମ୍‌ତା ମାନାତିଙ୍ଗ୍ ତାଙ୍କନେନାପେ, ନାହାଂ ଆଇଙ୍ଗ୍ ଆପେତାଃଏତେ ସାଙ୍ଗିନ୍‌ରେ ତାଙ୍କନଃତାନ୍ ଦିପିଲିରେୟ ପୁରାଃଗି ବର ଆଡ଼ଃ ଏକ୍‌ଲାଅଃତାନ୍‌ଲଃ ଆପେୟାଃ ଜୀଉବାସ୍ତାଅ ପୁରାଏପେ । <sup>୧୩</sup> ଚିଆଃଚି ପାର୍‌ମେଶ୍ୱାର୍ ଆପେ ଆଲାରେ କାମିତାନା । ଇନିଃକେ ସୁକୁଇଚି

ଲେକା କାମି ନାଗେନ୍ତେ ଇନିଃ ଆପେକେ ଇଛାସାନାଙ୍ଗ୍ ଏମାଃଏ ଆଡ଼ଃ ଏନା ରିକାଏ ନାଗେନ୍ତେ ପେଡ଼େଃହ୍ ଏମାଃଏ ।

୧୪ ବେଗାର୍ କାଜି କେସେଦ୍‌ଡେ ଆଡ଼ଃ କାପ୍‌ଜିଡେ ସବେନ୍ କାମି ରିକାଏପେ । ୧୫ ଏନାରେ, ଆପେ ବେଗାର୍ ଚିଟାକାନ୍ ଆଡ଼ଃ ପାର୍‌ମେଶ୍‌ବାର୍‌ଆଃ ଫାର୍‌ଚିଆକାନ୍ ହନ୍‌କପେ ହବାଅଃଆ । ମେନ୍‌ଦ ନେ ଅଡେଦିଶ୍‌ମ୍‌ରେ ଜିୟନଃତାନ୍ ଏଡ଼କାନ୍ ହଡ଼କ ଆଲାରେ ତାଈନଃତାନାପେ, ଏନାଡେ ଆପେ ଇନ୍‌କୁକେ ଜୀଦାନ୍ ଏମଃରେୟାଃ ବାତାନ୍ ଉଦୁବ୍‌କ ଇମ୍‌ତା ରିମିଲ୍‌କେ ମାର୍‌ସାଲେତାନ୍ ଇପିଲ୍‌କ ଲେକା ଇନ୍‌କୁଆଃ ଆୟାର୍‌ରେ ଜୁଲଃ ଲାଗାଡିଙ୍‌ୟାଃ । ୧୬ ଏଟାଃକଡ଼ାଃରେ ଜୀଦାନ୍ ଏମଃ କାନାଜି ଉଦୁବେ ଇମ୍‌ତା, ଆପେ ସିମାକେ ମାର୍‌ସାଲେତାନ୍ ଇପିଲ୍‌କ ଲେକା ହବାଅଃ ଲାଗାଡିଙ୍‌ୟା । ଆପେ ନେ'ଲେକା ହବାଅଃରେଦ୍, ଖ୍ରୀଷ୍ଟ୍ ହୁଲାଙ୍‌ରେ ଆପେୟାଃ ବିଷାଏରେ ଆଇଙ୍‌ ଆପାନ୍‌କେ ମାରାଙ୍‌ ମେନ୍ତେଇଙ୍‌ କାଜିନା, ଚିଆଃଚି ନେଆଁଲଃ ଉଦୁବଃଆ ଯେ, ଆଇଁୟାଃ ସବେନ୍ କେଚେଦ୍ କାମି କା ସାମାଏଣ୍‌ୟାଃ କାନା ।

୧୭ ହବାସାକାଅଆଃ ପାର୍‌ମେଶ୍‌ବାର୍‌ଆଃ ଉଦେଗ୍‌ରେ ଆପେୟାଃ ବିଶ୍‌ୟ ଲେକାନ୍ ସେଝାରାଃ ଦାଣ୍ଡେରେ ଆଇଁୟାଃ ଜୀଦାନ୍‌ରେୟାଃ ମାୟୋମ୍‌କେ ହ୍ ଆଇଙ୍‌କେ ଏମଃ ଲାଗାଡିଙ୍‌ୟାଃ । ଏନାମେନ୍ତେ ଆଇଙ୍‌ ରାସ୍‌କାଅଃତାନାଇଙ୍‌ ଆଡ଼ଃ ଆଇଁୟାଃ ନେ ରାସ୍‌କାରେ ଆପେ ମେସାନ୍‌ପେ ମେନ୍ତେଇଙ୍‌ ସାନାଙ୍‌ତାନା । ୧୮ ଏନ୍ ଲେକାଗି, ଆପେୟାଃ ରାସ୍‌କାଅଃପେ ଆଡ଼ଃ ଆପେୟାଃ ରାସ୍‌କା ଆଇଁୟାଃଲଃ ହାଚିୟେପେ ।

### ତୀମଥ୍ ଆଡ଼ଃ ଏପାପ୍ରାଦିଡ୍

୧୯ ପ୍ରାଭୁ ଯୀଶୁଆଃ ସାନାଙ୍ ହବାଅଃରେଦ୍, ଆପେଡ଼ାଃଡେ ତୀମଥ୍‌କେ ଜାଲ୍‌ଦିଗିଇଙ୍ କୁଲିୟା ମେନ୍ତେଇଙ୍ ଆସ୍‌ସାତାନା । ଏନାଡେ ଆପେୟାଃ ବିଷାଏରେ କାଜି ଆୟୁମ୍‌କେଦ୍‌ଡେ ରାସ୍‌କାଅଃଆଇଙ୍ । ୨୦ ଇନିୟାଃ ମନ୍‌ରାଃ ଉଡ଼ଃକ ଆଇଁୟାଃ ଲେକା ମେନାଃ ଆଡ଼ଃ ସାର୍‌ଡିଗି ଇନିଃ ଆପେୟାଃ ବିଷାଏରେ ଉଡ଼ଃତାନା । ୨୧ ଏଟାଃ ସବେନ୍‌କ ଯୀଶୁ ଖ୍ରୀଷ୍ଟ୍‌ଆଃ ବିଷାଏରେ କା ଉଡ଼ଃକେଦ୍‌ଡେ ଆକଆଃ ଆପ୍‌ନାଃ ବିଷାଏରେ ଉଡ଼ଃତାନାକ



<sup>୧</sup> ତୁଣ୍ଡୁର, ହେ ହାଗା ମିଶିକ, ପ୍ରାଭୁଲଃ ମେସାକାନ୍ ହରାତେ ଆପେ ରାସ୍‌କାଅଃପେ । ଆଇଙ୍ଗ୍ ସିଦାରେ ଅଲ୍‌କାଦ୍‌ତେୟାଃ, ଆଡଃମିସା କାଜି ନାଗେନ୍ତେ କାଇଙ୍ଗ୍ ଲାଗାଅଃଆ, ଚିଆଃଚି ଆପେୟାଃ ବୁଗିନାଃ ନାଗେନ୍ତେ ନେଆଁଏ ଦେଙ୍ଗାପେୟା । <sup>୨</sup> ଏଡ଼କାନ୍ କାମିରେ ମେନାକଆ, ଏନ୍ ସେତାକଆଃଏତେ ଆଡଃ ବାସ୍ତାଅଃ ନାଗେନ୍ତେ ଅକନ୍‌କ ଲାଗାତାର୍ ଖାଡ଼ନାଅରେୟାଃ କାଜି କାଜିୟାଃକ, ଏନ୍ କା ବିଶ୍ୱାସ୍‌ତାନ୍ ହଡ଼କ ଲେକା କାମିତାନ୍‌କଆଃଏତେ ଚିଗାଲ୍‌କାନ୍ ତାଇନ୍‌ପେ । <sup>୩</sup> ଚିଆଃଚି ଆବୁ ଖାଡ଼ନାଅକାନ୍‌କ ତାନ୍‌ବୁ ମେନ୍‌ଦ ଇନ୍‌କୁ ନାହାଁଲକ । ଆବୁ ପାବିତାର୍ ଆମ୍‌ରାଃ ଦେଙ୍ଗାତେ ପାର୍‌ମେଶ୍ୱାର୍‌କେ ସେଝାତାନାବୁ ଆଡଃ ଖ୍ରୀଷ୍ଟ୍ ଯାଶ୍‌ଲଃ ମେସାକେଦ୍‌ତେ ରାସ୍‌କାଅଃ ତାନାବୁ । ହାସା ହଡ଼ମରେୟାଃ ନେପେଲ୍ ରିଡିରିଝାଜ୍‌ରାଃ ଲାଗାତିଙ୍ଗ୍‌ତେୟାଃରେ ଆବୁଆଃ ଆସ୍ତା ବାନଃଆ । <sup>୪</sup> ସାର୍‌ତିଗି ଏନ୍ ସବେନାଃରେ ଆସ୍ତା ଦହ ନାଗେନ୍ତେ ଆଇଁୟାଃ ନାଙ୍ଗ୍ ବୁଗିନାଃ ହବାଅଃତେୟାଃ । ଜେତାଏ ହାସା ହଡ଼ମରେୟାଃ ନେପେଲ୍ ରିଡିରିଝାଜ୍‌ରାଃ ଲାଗାତିଙ୍ଗ୍‌ତେୟାଃରେ ଆସ୍ତାଏ ରେଦ, ଏନ୍‌ଲେକା କାମି ନାଗେନ୍ତେ ଆଇଁୟାଃ ପୁରାଃଗି ଆସ୍ତା ମେନାଃ । <sup>୫</sup> \*ଆଇଁୟାଃ ଜାନାମ୍‌ରାଃ ଇରିଲ୍‌ମାହାଁରେ\* ଆଇଙ୍ଗ୍ ଖାଡ଼ନାଅୟାନାଇଙ୍ଗ୍, ଆଇଙ୍ଗ୍ ଇସ୍ତାଏଲ୍‌ରେନ୍ ବେଞ୍ଜାମିନ୍ କିଲିରେଇଙ୍ଗ୍ ଜାନାମ୍‌ୟାନା, ଆଡଃ ସାର୍‌ତି ଏବୁ ତାନିଙ୍ଗ୍ । ଯିହୁଦୀକଆଃ ଆନ୍‌ବୁ ମାନାତିଙ୍ଗ୍‌ରେ ଆଇଙ୍ଗ୍ ମିୟାଦ୍ ଫାରୁଶୀ ହଡ଼ତାନିଙ୍ଗ୍ । <sup>୬</sup> \*ଆଡଃ ଆଇଁୟାଃ ଚିହୁଲ୍‌ଲେନ୍ କାଜି ମେନାଃରେଦ, ଆଇଙ୍ଗ୍ ମିହୁଡ୍ କାଲିସିୟାକେ ସିଗିଦି ହଡ଼ ତାଇକେନାଇଙ୍ଗ୍ । ଆନ୍‌ବୁ ମାନାତିଙ୍ଗ୍‌କେଦ୍ ହରାତେ ମିହୁଡ୍ ହଡ଼ ଧାର୍‌ମାନ୍ ହବାଦାଡ଼ିୟାଃରେଦ ଆଇଙ୍ଗ୍ ବେଗାର୍ ଚିଟାଅଃନିଃ ତାଇକେନାଇଙ୍ଗ୍ । <sup>୭</sup> ମେନ୍‌ଦ ଅକ ସବେନାଃ ଆଇଙ୍ଗ୍ ବୁଗିନାଃ ମେନ୍ତେ ଆଟ୍‌କାରେ ତାଇକେନାଇଙ୍ଗ୍, ଏନାକେ ନାହାଁଃ ଆଇଙ୍ଗ୍ ଖ୍ରୀଷ୍ଟ୍ ନାଗେନ୍ତେ ସାମାକାଜି ଲେକାଇଙ୍ଗ୍ ଆଟ୍‌କାରେତାନା । <sup>୮</sup> ଏନାକ ଏସ୍‌କାର୍ କାଗି, ଆଇଁୟାଃ ପ୍ରାଭୁ ଯାଶ୍‌ଲ୍ ଖ୍ରୀଷ୍ଟ୍‌କେ ସାରିକିଃ ହରାତେ ଅକନ୍ ପୁରାଃ ଗନଙ୍ଗ୍‌ଆଁନ୍ ସେଶାଁ

☆ ୩:୫ ୩:୫ ରୋମି ୧୧:୧; ପ୍ରେରିଡ୍ ୨୩:୬; ୨୬:୫. \* ୩:୫ ୩:୫ ଆର୍ ଦିନ୍‌ରେ ☆ ୩:୬ ୩:୬ ପ୍ରେରିଡ୍ ୮:୩; ୨୨:୪; ୨୬:୯-୧୧.

ନାମାକାଦାଉଁ, ଏନାଲକ୍ଷ ଜକାଲେରେ ଏଟାଃ ସବେନାଃକେ ଆଇଙ୍ଗ୍ ନାହାଁଃ ସାମାକାଜି ଲେକାଉଁ ଆଟ୍‌କାରେତାନା । ଖ୍ରୀଷ୍ଟକେ ନାମି ନାଗେନ୍ତେ ଆଇଙ୍ଗ୍ ସବେନାଃଉଁ ବାଗିକାଦା, ୯ ଆତଃ ଇନିଃଲକ୍ଷ ପୁରାଃତେଇଙ୍ଗ୍ ମେସାକାନା । ଜେତା ଧାର୍‌ମାନ୍ ଆନୁରୁ ମାନାତିଙ୍ଗ୍‌କେଦ୍‌ତେ ନାମ୍ ଦାଡ଼ିୟଃଆ, ଏନ୍ ଲେକାଦ୍ ଜେତା ଧାର୍‌ମାନ୍ ଆଇଁୟଃ ବାନଃଆ । ନାହାଁଃଦ୍ ଆଇଁୟଃ ଅକ୍ ଧାର୍‌ମାନ୍ ମେନାଃ, ଏନା ଖ୍ରୀଷ୍ଟକେ ବିଶ୍ୱାସ୍‌କେଦ୍ ହରାତେ ନାମାକାନା, ଏନାଦ୍ ପାର୍‌ମେଶ୍ୱାର୍‌ତାଃଏତେ ହିଜୁଃଆ ଆତଃ ବିଶ୍ୱାସ୍‌ତେ ହବାଅଃଆ । ୧୦ ନାହାଁଃଦ୍, ନେଆଁଇଙ୍ଗ୍ ସାନାଙ୍ଗ୍‌ତାନା, ଆଇଙ୍ଗ୍ ଖ୍ରୀଷ୍ଟକେ ସାରିୟାଉଁ ଆତଃ ଆୟାଃ ଜୀଉବିନିରିଦ୍‌ରାଃ ପେଡେଃକେଇଙ୍ଗ୍ ଆଟ୍‌କାର୍ ଦାଡ଼ିକା, ଆୟାଃ ଦୁକୁହାସୁକେ ଆଟ୍‌କାର୍‌କେଦ୍‌ତେ ଗନଏଃରେୟ୍ ଆୟାଃ ଲେକାଉଁ ହବାଅଃକା, ୧୧ ଆତଃ ଆଇଙ୍ଗ୍ ଆଇଙ୍ଗ୍‌ତେଗି ଗନଏଃହେତେ ଜୀଉବିନିରିଦ୍‌ରାଃ ଆସ୍ରାଉଁ ନାମେକା ।

### ନିର୍‌ସେଟେରେ ଠାୟାଦ୍‌ତେ ନିରେୟାବୁ

୧୨ ଆଇଙ୍ଗ୍ ଏନ୍ ସବେନାଃ ସିଦାରେଇଙ୍ଗ୍ ନାମ୍ ଚାବାକାଦା ଚାଏ ଆଇଙ୍ଗ୍ ସିଦାରେଇଙ୍ଗ୍ ପକ୍‌ତାଚାବାକାନା, ମେନ୍ତେଦ୍ କାଉଁ କାଜିତାନା । ମେନ୍‌ଦ୍ ଆଇଙ୍ଗ୍ ନାଲା ନାମେ ନାଗେନ୍ତେଇଙ୍ଗ୍ ନିରେତାନା, ଆତଃ ଯୀଶୁ ଖ୍ରୀଷ୍ଟ୍ ଆଇଃକ୍‌ଗି ଆଇଙ୍ଗ୍‌କେ ସିଦାରେ ଜିତାଅକାଦିୟାଁ । ୧୩ ହେ ହାଗା ମିଗିକ, ସାର୍‌ତିଗି, ଆଇଙ୍ଗ୍ ନିର୍‌ସେଟେରେ ଠାୟାଦ୍‌ତେ ନାହାଁଃ ଜାକେଦ୍ ଆଉରିଙ୍ଗ୍ ସେଟେରା । ମେନ୍‌ଦ୍ ଆଇଙ୍ଗ୍ ମିୟାଦ୍ କାମିରେଗି ମେନାଉଁୟାଁ, ଦୟାସାଃରେ ବାଗିକାଦ୍ ବିଷାଏକେ ରିଡ଼ିଙ୍ଗ୍‌କେଦ୍‌ତେ, ଅକ୍‌ନାଃ ଆୟାଃରସାଃରେ ମେନାଃ ଏନାକେ ନାମେ ନାଗେନ୍ତେ ପୁରାଃଗିଇଙ୍ଗ୍ ତେଷ୍ଟାତାନା । ୧୪ ଏନାତେ ଯୀଶୁ ଖ୍ରୀଷ୍ଟ୍‌ଆଃ ଦେଙ୍ଗାତେ ସିର୍‌ମାରେୟାଃ ଜୀଦାନ୍ ନାମେ ନାଗେନ୍ତେ ପାର୍‌ମେଶ୍ୱାର୍ ଆଇଙ୍ଗ୍‌କେ କେଡ଼ାକାଦିୟାଁ, ଏନ୍ ନାଲା ନାମ୍ ନାଗେନ୍ତେ ନିର୍‌ସେଟେର୍ ଠାୟାଦ୍‌ତେ ନିରେତାନା ।

୧୫ ଆବୁଆଃ ଆଲାରେ ଅକନ୍‌କ୍ ଆମ୍‌ରେ ପକ୍‌ତାକାନାକ, ଇନ୍‌କୁଆଃ ନେ'ଲେକା ମନ୍‌ରେ ଉଡ଼ୁ ଲାଗାଡ଼ିଙ୍ଗ୍‌ୟାଁ । ମେନ୍‌ଦ୍ ଜେତାଏୟାଃ ଏଟାଃ ଲେକାଗି ମନ୍‌ରେ ଉଡ଼ୁ ମେନାଃରେଦ୍,

ପାର୍ମେଶ୍ୱର ଆପେକେ ସବେନ୍ କାଜି ବୁଗିଲେକାଏ ଉଦୁବାପେୟା ।<sup>୧୭</sup> ମେନ୍ଦ ଅକନ୍ ସାନାର୍ତ୍ତିକେ ଆବୁ ତିସିଙ୍ଗ୍ ଜାକେଦ୍ ମାନାତିଙ୍ଗ୍ ଆଉ ତାନାବୁ, ନାହାଁଃ ଏନ୍ ସାନାର୍ତ୍ତିରେଗି ଆୟାର୍ତ୍ତେ ସେନାବୁ ।

<sup>୧୭</sup> ☆ହେ ହାଗା ମିଗିକ, ଆଇଙ୍ଗ୍‌କେ ଅତଙ୍ଗ୍‌ଇଙ୍ଗ୍‌ପେ ଆତଃ ଆଲେ ସେସେନ୍‌ତାନ୍ ନାମୁନା ଲେକା ଅକନ୍‌କ ସେସେନ୍‌ତାନା ଇନ୍‌କୁକେ ନେଲ୍‌କୁପେ ।<sup>୧୮</sup> ସିଦାଏତେଗି ଆଇଙ୍ଗ୍ ଆପେକେ ନେ କାଜି ଚିମିନ୍‌ସାଇଙ୍ଗ୍ କାଜିକାଦ୍‌ପେୟା, ଆତଃ ନାହାଁଃହଗି ମେଦ୍ ଦାଆଃ ଲିଙ୍ଗିତାନ୍‌ଲଃ ଆତଃମିସାଇଙ୍ଗ୍ କାଜିତାନା, ପୁରାଃ ହଡକ ଆକଆଃ ଆପ୍‌ନାଃ ଜୀଦାନ୍‌ରେ ଖ୍ରୀଷ୍ଟଆଃ କୁଗ୍ ଗନ୍‌ଏଃରେୟାଃ ବାଇରି ଚାଇଲ୍ ଚାଲାନ୍ ରିକାତାନାକ ।<sup>୧୯</sup> ନାରାକ୍‌ରେ ଇନ୍‌କୁଆଃ ଜୀଦାନ୍ ଜିୟନଃତେ ସେନଃତାନା । ଚିଆଃତି ଇନ୍‌କୁଆଃ ହଡ଼ମରାଃ ଇଛାସାନାଙ୍ଗି ଆକଆଃ ମାହାପୁରୁ ତାନିଃ, ଅକ୍‌ନାଃ ଗିହୁଗାନ୍‌ତେୟାଃ ତାନାଃ, ଏନା ନାଗେନ୍ତେ ଇନ୍‌କୁ ଆପାନ୍‌କେ ମାରାଙ୍ଗ୍ ମେନ୍ତେକ କାଜିନ୍‌ତାନା । ଅତେରେୟାଃ ବିଷାଏ ନାଗେନ୍ତେ ଏସ୍‌କାର୍ ଇନ୍‌କୁ ଉଡ଼ଗୁଃକ ।<sup>୨୦</sup> ଏନା ଜାହାନାଃଗି ହବାଅଃକା, ଆବୁ ସିର୍ମା ଦିଗୁମ୍‌ରେନ୍‌କ ତାନ୍‌ବୁ, ସିର୍ମାଏତେ ଆବୁଆଃ ବାଞ୍ଚାଅନିଃ ପ୍ରାଭୁ ଯାଗୁ ଖ୍ରୀଷ୍ଟଆଃ ହିନିଜୁଃକେ ନେଲ୍ ହରାତାନାବୁ ।<sup>୨୧</sup> ଅକନ୍ ପେଡେଃ ହରାତେ ଇନିଃ ସବେନ୍ ବିଷାଏକେ ଆୟାଃ ଆପ୍‌ନାଃ ଆବର୍‌ରେ ଦହ ଦାଡ଼ିୟା । ଏନ୍ ପେଡେଃକେ କାମିରେ ଲାଗାଅକେଦ୍‌ତେ, ଇନିଃ ଆବୁଆଃ ଗନ୍‌ଏଃ ହବାଅଃ ହଡ଼ମକେ ଆୟାଃ ମାନାରାଙ୍ଗ୍ ହବାଅଃ ହଡ଼ମ ଲେକାଏ ବାଇୟା ।

## ୪

### ଇନିତୁଏମଃ ଆତଃ ଇନିତୁ

<sup>୧</sup> ହେ ଦୁଲ୍‌ଡ଼୍ ହାଗା ମିଗିକ, ଆପେକେ ନେନେଲ୍ ନାଗେନ୍ତେ ଆଇଁୟାଃ ପୁରାଃଗି ସାନାଙ୍ଗ୍ । ଆପେୟାଃ ନାଗେନ୍ତେ ଆଇଁୟାଃ ଚିମିନ୍‌ଗି ରାସ୍‌କା ଆତଃ ଚିମିନ୍‌ଗି ଆପାନ୍‌କେ ମାରାଙ୍ଗ୍ ମେନ୍ତେଇଙ୍ଗ୍ କାଜିନ୍‌ତାନା । ହାଗା ମିଗିକ ଆଇଁୟାଃ ଇନିତୁ ଲେକାତେ ପ୍ରାଭୁତାଃରେ ତିଙ୍ଗୁକେଟେଦ୍‌କେଦ୍‌ତେ ଜୀଦାନ୍ ବିତାଏପେ ।

୨ ଇୟଦିଆ ଆତ୍ମ ସନ୍ତୁଷ୍ଟୀକେ ଆଇଁୟାଃ ବିକ୍ରି, ଇନ୍ଦିନ୍ ପାର୍ମେଶ୍ଵାର୍ଆଃ ଆୟାରରେ ମିଶିଲେକା ମିଦ୍ମନ୍ଦକେଦ୍ତେ ତାଇନଃକାକିନ୍ । ୩ ହେ ଆଇଁୟାଃ ପାତିୟାର୍ରେ ଲେକାନ୍ ଗାତିରେ କାମିତାନ୍ନିଃ । ଆମ୍ବେୟାଗି ଆଇଁୟାଃ ବିକ୍ରି, ନେ ମିଶିକକେ ଦେଙ୍ଗାକମେ, ଚିୟାଃତି ନିକୁ କ୍ଲେମେଷ୍ ଆତ୍ମ ଆଇଁୟାଃଲଃ ଗାତିରେ କାମିତାନ୍ନକ, ସୁକୁକାଜି ପାର୍ମାର କାମିରେ ଆଇଙ୍ଗକେ ପୁରାଃଗି ଦେଙ୍ଗାକାଦିୟାକ । ନେ ସବେନ୍ଦକଆଃ ନୁତୁମ୍ ପାର୍ମେଶ୍ଵାର୍ଆଃ ଜୀଦାନ୍ ପୁଥ୍ରେ ଅଲାନାନା ।

୪ ପ୍ରାଭୁଲଃ ମେସାକାନ୍ ହରାତେ ଆପେ ସବେନ୍ଦ ଇମ୍ତାଙ୍ଗ ରାସକାଅଃପେ । ଆଇଙ୍ଗ ଆତ୍ମମିସା କାଜିପେତାନାଇଙ୍ଗ ରାସକାଅଃପେ ।

୫ ସବେନ୍ଦକଲଃ ଆପେୟାଃ ଲେବେଃମନ୍ ହବାଅଃକା । ପ୍ରାଭୁଆଃ ହିନ୍ଦୁ ଦିପିଲି ନାଡ଼େଃକାନା । ୬ ଜେତାନ୍ ବିଷାଏରେ ଆଲ୍ପେ ଉଡ଼ଗୁଃ, ମେନ୍ଦ ଆପେୟାଃ ଲାଗାତିଙ୍ଗତେୟାଃକ ବିକ୍ରିରେ ପାର୍ମେଶ୍ଵାର୍କେ ଆସିପେ । ମନ୍ସୁରୁଦ୍ରେ ଧାନ୍ୟାବାଦ୍ ଏମ୍ତାନ୍ଲଃ ଆପେୟାଃ ବିକ୍ରି ପାର୍ମେଶ୍ଵାର୍କେ ଉଦୁବିପେ । ୭ ଆତ୍ମ ମାନଃପାରାଃ ଆଟ୍ଟକାର୍ତ୍ତରୁମ୍ଏତେ ଚେତାନ୍, ପାର୍ମେଶ୍ଵାର୍ଆଃ ଜୀଉସୁକୁ ଶ୍ରୀଷ୍ଟ୍ ଯୀଶୁଆଃ ମେନେସାରେ ଆପେୟାଃ ମନ୍ସୁରୁଦ୍ରେ ଆତ୍ମ ମନ୍ଦକେ ବାସ୍ତାଅୟା ।

୮ ରୁଣ୍ଡୁରେ, ହେ ଆଇଁୟାଃ ହାଗା ମିଶିକ, ଅକ ସବେନ୍ଦ ବିଷାଏକ ରୁଗିନାଃ ଆତ୍ମ ମାଇନଃ ଲେକାନାଃ ତାନାଃ, ଅକଆଃ ସାର୍ତି, ମାଇନାନ୍, ଠାଉକାନ୍, ପୁରାଃ ଫାର୍ତି, ସୁଗାଡାନ୍, ଆତ୍ମ ମାଇନଃତେୟାଃ, ଏନ୍ ସବେନାଃ ଆପେୟାଃ ଉଡ଼ୁରାଃ ବିଷାଏ ହବାଅଃକା । ୯ ଆଇଁୟାଃ କାଜି ଆତ୍ମ କାମିତେ ଅକଆଃ ଇଡୁକାନାପେ ଆତ୍ମ ନାମାକାଦାପେ, ଏନାକେ କାମିରେ ଉଦୁବେପେ । ଏନାରେ, ଜୀଉସୁକୁ ଏମଃ ପାର୍ମେଶ୍ଵାର୍ ଆପେୟାଃ ତାଇନାଏ ।

### ବାର୍ଦାନ୍ ନାଗେନ୍ତେ ଧାନ୍ୟାବାଦ୍

୧୦ ପ୍ରାଭୁଲଃ ମେନେସାରେ ତାଇନ୍ଦକେଦ୍ତେ ଜୀଦାନ୍ ବିତାଅତାନ୍ ଇମ୍ତା ଆପେ ଆଇଁୟାଃ ନାଗେନ୍ତେ ପାହାମ୍ତାନାପେ ଏନାମେନ୍ତେ ଆଇଙ୍ଗ ପୁରାଃ ରାସକାଅଃତାନାଇଙ୍ଗ । ସାର୍ତି କାଜିଲେରେ, ଆପେ ଆଇଁୟାଃ ବିଷାଏରେ ପାହାମ୍ ଆତ୍ମ ଉଡ଼ୁ ତାଇକେନାପେ, ମେନ୍ଦ

ଏନା ଉଦୁବେ ନାଗେନ୍ତେ ସୁଯୋଗ୍ କାପେ ନାମେ ତାଇକେନା ।  
 ୧୧ ଆଇଙ୍ଗ୍ ଆପାନ୍‌କେ ଜାଞ୍ଜିଆକାନ୍ ଲେକା ଆଟ୍‌କାରକେଦ୍‌ତେ  
 କାଇଙ୍ଗ୍ କାଜିତାନା, ଚିଆଃଚି ଆଇଙ୍ଗ୍ ଆଇଁୟାଃତାଃରେ ଅକଥାଃ  
 ମେନାଃ ଇମ୍‌ନାଙ୍ଗ୍‌ରେଗି ରାସ୍‌କାଅଃ ନାଙ୍ଗ୍ ଇଡୁକାନାଇଙ୍ଗ୍ ।  
 ୧୨ କାଟିକାନ୍ ହବାଃଅ ଚାଏ ଥୁମ୍ବା ହବାଃଅ, ଏନାରେ ଚିଲ୍‌କା  
 ସାମ୍‌ନାଙ୍ଗ୍ ହବାଃଅ ଲାଗାତିଙ୍ଗ୍‌ୟାଃ ଏନାଇଙ୍ଗ୍ ସାରିକାଦା । ଏନାତେ  
 ଜେ'ଲେକାନ୍ ଦିପିଲିରେ, ଜେ'ଲେକାନ୍ ପାରିସ୍ଥିତିରେ, ରେଙ୍ଗେଃତାନ୍  
 ଇମ୍‌ତା, ବିୟାକାନ୍ ଇମ୍‌ତା, କାଟିକାନ୍ ହବାଃଅ ଚାଏ ଥୁମ୍ବା ହବାଃଅ  
 ଆଇଙ୍ଗ୍ ସବେନ୍ ଇମ୍‌ତା ରାସ୍‌କାରେ ମେନାଇଁୟା । ୧୩ ଆଇଙ୍ଗ୍‌କେ  
 ପେଡ଼େଃ ଏମଃନିଃ ଶ୍ରୀଷ୍ଟିଆଃ ଦେଙ୍ଗାତେ ଆଇଙ୍ଗ୍ ସବେନାଃଇଙ୍ଗ୍  
 ରିକାଦାଡ଼ିୟା ।

୧୪ ଏନ୍‌ରେୟ ଆଇଁୟାଃ ଦୁକୁତାନ୍ ଦିପିଲିରେ ଆଇଙ୍ଗ୍‌କେ  
 ଦେଙ୍ଗାକେଦ୍‌ତେ ଆପେ ପୁରାଃ ବୁଗିନ୍ କାମିପେ ରିକାକାଦା  
 । ୧୫ ହେ ଫିଲିପିରେନ୍ ହାଗା ମିଶିକ, ଆଇଙ୍ଗ୍ ସୁକୁକାଜି  
 ପାର୍‌ଚାରରେୟାଃ ଏନେଟେଦ୍ ଦିପିଲିରେ, ଆଇଙ୍ଗ୍ ମାକିଦନିଆ  
 ବାଗିକେଦାଇଙ୍ଗ୍ ଇମ୍‌ତା ଆପେୟାଃ କାଲିସିୟା ଏସ୍‌କାର୍  
 ଆଇଙ୍ଗ୍‌କେ ଦେଙ୍ଗାକେଦିୟା, ଆଡ଼ଃ ଆପେ ଏସ୍‌କାର୍ ଆଇଁୟାଃ  
 ଲାଗାତିଙ୍ଗ୍‌ତେୟାଃରାଃ ଏମଃଦେମଃରେ ହିସାପେ ହବାକାନ୍  
 ତାଇକେନା । ଏନା ଆପେ ବୁଗିଲେକାପେ ସାରିକାଦା । ୧୬\*\*ଆଇଙ୍ଗ୍  
 ଥେସ୍‌ଲନିକାରେ ତାଇକେନ୍ ଦିପିଲିରେ, ଆପେ ମିସାଏତେ ଆଦ୍‌କା  
 ଆଇଁୟାଃ ଲାଗାତିଙ୍ଗ୍‌ତେୟାଃକ କୁଲ୍‌କାଦ୍ ତାଇକେନାପେ ।  
 ୧୭ ମେନ୍‌ଦ୍ ଆପେତାଃଏତେ ଆଇଙ୍ଗ୍ ଦାନ୍ ଏସ୍‌କାର୍ ନାମେ  
 ନାଗେନ୍ତେ କାଇଙ୍ଗ୍ ସାନାଙ୍ଗ୍‌ତାନା, ମେନ୍‌ଦ୍ ଆପେ ଜେ'ଲେକା  
 ପୁରାଃ ଆଦ୍‌କା ନାଲାପେ ନାମେୟା, ମେନ୍ତେ ଆଇଁୟାଃ ସାନାଙ୍ଗ୍ ।  
 ୧୮ ଆପେତାଃଏତେ ଆଇଙ୍ଗ୍ ନାମାକାଦ୍ ସବେନ୍ ଦାନ୍ ନାଗେନ୍ତେ  
 ଆଇଁୟାଃ ପୁରାଃଗି ହବାକାନା । ଏନା ଆଇଁୟାଃ ଲାଗାତିଙ୍ଗ୍‌ୟାଃଏତେ  
 ଆଦ୍‌କାଗି ହବାକାନା । ଆପେ ଏପାପ୍ରାଦିଡ୍‌ଆଃ ଡିଃଇରେ କୁଲ୍‌କାଦ୍  
 ଦାନ୍, ଆଇଁୟାଃ ସବେନ୍ ଲାଗାତିଙ୍ଗ୍‌ତେୟାଃକେ ପୁରାକାଦା,  
 ଏନା ପାର୍‌ମେଶ୍ୱାର୍‌ଆଃ ଉଦ୍‌କେଶ୍‌ରେ ରାକାବାକାନ୍ ବୁଗିନ୍ ସହାନ୍

☆ ୪:୧୭ ୪:୧୭ ପ୍ରେରିଡ୍ ୧୭:୧. ☆ ୪:୧୭ ୪:୧୭ ୨ କରିଛିୟ ୧୧:୯.

ଦାଣେଁ ଆଡ଼ଃ ଆଇଃକ୍ ତେଲାଏ ଚାଏ ଆଇଃକ୍‌କେ ସୁକୁଆଇ ଦାଣେଁ ଲେକାନାଃ ତାନାଃ । ୧୯ ଖ୍ରୀଷ୍ଟୁଆଃ ହରାତେ ଆଇୟାଃ ପାର୍‌ମେଶ୍ୱାର୍‌ ଆୟାଃ ପୁରାଃ ମାନାରାଜ୍‌ତେ ଆପେୟାଃ ସବେନ୍ ଲାଗାତିଜ୍‌ତେୟାଃକ ଏମାପେୟାଏ । ୨୦ ଜାନାଅ ଜାନାଅ ଆପୁ ପାର୍‌ମେଶ୍ୱାର୍‌ଆଃ ମାନାରାଜ୍‌ ହବାଅଃକା । ଆମେନ୍ ।

### ଚୁଣ୍ଟୁ ଜହାର୍

୨୧ ଖ୍ରୀଷ୍ଟୁ ଯୀଶୁଆଃ ନୁତୁମ୍‌ତେ ଏନ୍ତାଃରେ ତାଇନଃତାନ୍ ସବେନ୍ ପାର୍‌ମେଶ୍ୱାର୍‌ଆଃ ହଡ଼କକେ ଆଇୟାଃ ଜହାର୍ କାଜିକତାନାଇଜ୍ । ଆଇୟାଃଲଃ ତାଇନ୍‌ତାନ୍ ନେତାଃରେନ୍ ହାଗା ମିଶିକ ଆପେ ସବେନ୍‌କକେ ଜହାର୍ ମେନ୍ତେକ କାଜିକୁଲ୍‌କାଦା । ୨୨ ନେତାଃରେ ତାଇନ୍‌ତାନ୍ ପାର୍‌ମେଶ୍ୱାର୍‌ଆଃ ହଡ଼କ, ବିଶେଷ୍‌କେଦ୍‌ତେ କାଇସାର୍‌ଆଃ ରାଜ୍‌ମାହାଲ୍‌ରେ ତାଇନ୍‌ତାନ୍ ପାର୍‌ମେଶ୍ୱାର୍‌ଆଃ ହଡ଼କ ଆପେକେ ଜହାର୍ ମେନ୍ତେକ କାଜିକୁଲ୍‌କାଦା ।

୨୩ ପ୍ରାଭୁ ଯୀଶୁ ଖ୍ରୀଷ୍ଟୁଆଃ ସାୟାଦ୍ ଆପେ ସବେନ୍‌କଲଃ ଆମ୍‌ରେ ହବାଅଃକା ।

**ପାରମେଶ୍ଵାରୀୟାଃ ଜୀନିଦ୍ ବାଚାନ୍**  
**The New Testament in the Munda language of India:**  
**ପାରମେଶ୍ଵାରୀୟାଃ ଜୀନିଦ୍ ବାଚାନ୍**

copyright © 2020 The Word for the World International

Language: ମୁଞ୍ଜା (Muṅḍa) (Munda)

Contributor: The Word for the World International

**ପାରମେଶ୍ଵାରୀୟାଃ ଜୀନିଦ୍ ବାଚାନ୍**  
**ନାଞ୍ଜା ନିୟାମ୍ , 2020**

The New Testament in Munda Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

---

PDF generated using Haiola and XeLaTeX on 22 Feb 2024 from source files dated 14 Apr 2023

903abb6b-97c3-582d-9df8-a6a8f2fce6d6